

**ХДП**

1918-yil  
21-iyundan chiqqan  
boshlagan

№18, 2023-yil  
17-may,  
chorshanba (32.764)

# O'zbekiston OVOZI

Ijtimoiy-siyosiy gazeta

*Barchaga g'amxo'rlik – davlatning burchi*

## ХАЛҚ ДЕМОКРАТИК ПАРТИЯСИ ПРЕЗИДЕНТ САЙЛОВИДА МУНОСИБ ИШТИРОК ЭТАДИ

Партия Марказий Кенгаши пленумида шу ҳақда қарор қабул қилинди



ХАММАМИЗГА ЯХШИ МАЪЛУМКИ, ЖОРИЙ ЙИЛ 30 АПРЕЛЬ КУНИ МАМЛАКАТИМИЗ ҲАЁТИДА УЛКАН ТАРИХИЙ ВОҚЕА БЎЛИБ ЎТДИ. МАМЛАКАТ ТАРИХИДА БИРИНЧИ МАРТА УМУМХАЛҚ РЕФЕРЕНДУМИ АСОСИДА ЯНГИЛАНГАН КОНСТИТУЦИЯМИЗ ҚАБУЛ ҚИЛИНДИ.

РЕФЕРЕНДУМДА ХАЛҚИМИЗ ФАОЛ ҚАТНАШИБ, ХАЛҚ КОНСТИТУЦИЯСИ УЧУН ЮҚОРИ БИРДАМЛИК НАМУНАСИНИ КЎРСАТИБ ОВОЗ БЕРДИ.

ЯНГИЛАНГАН КОНСТИТУЦИЯ ЯНГИ ҲУҚУҚИЙ МАКОННИ ЮЗАГА КЕЛТИРДИ. БУНДАЙ МУҲИМ ТАРИХИЙ ПАЛЛАДА МАМЛАКАТ ПРЕЗИДЕНТЛИГИ УЧУН САЙЛОВ ЎТҚАЗИЛИШИ КАТТА ИЖТИМОИЙ-СИЁСИЙ АҲАМИЯТГА ЭГАДИР. МАРКАЗИЙ САЙЛОВ КОМИССИЯСИ ЖОРИЙ ЙИЛ 9 ИЮЛЬ КУНИ ЎЗБЕКИСТОН РЕСПУБЛИКАСИ ПРЕЗИДЕНТИ САЙЛОВИНИ ЎТҚАЗИШ МАСАЛАЛАРИ БЎЙИЧА ҚАРОР ҚАБУЛ ҚИЛДИ.

ШУ ТАРИҚА, ЎЗБЕКИСТОН ТАРИХИДАГИ ЯНА БИР КАТТА СИЁСИЙ ЖАРАЁН – ЎЗБЕКИСТОН РЕСПУБЛИКАСИ ПРЕЗИДЕНТИ САЙЛОВИГА ТАЙЁРГАРЛИК БОШЛАНДИ.

2-3 САҲИФАЛАРДА



## ЕНГИЛЛИККА ЙЎНАЛТИРИЛГАН ҚОНУНЛАР

Парламент ҳаёти бу ҳафта ҳам одатдагидек сиёсий партияларнинг фракцияларида бошланди. 15 май куни Олий Мажлис Қонунчилик палатасидаги сиёсий партияларнинг фракция йиғилишларида бир нечта қонун лойиҳалари ва кун тартибидagi масалалар муҳокамадан ўтказилди.

Жумладан, ЎзХДП фракциясида даставвал "Ўзбекистон Республикасининг айрим қонун ҳужжатларига ижара ва лизинг муносабатларини тартибга солишга қаратилган ўзгартиш ва қўшимчалар киритиш тўғрисида"ги қонун лойиҳаси муҳокамадан ўтди. Лойиҳа билан кейинчалик сотиб олиш шarti билан ижарага бериш шартномасининг аниқ таърифи ва унинг хусусиятлари, ушбу шартномавий муносабатларда шартнома объектини тасарруф этиш, гаровга қўйиш ва ундирувга қаратишга доир қоидалар назарда тутилмоқда.

Олий суд томонидан тақдим этилган статистик маълумотларга кўра, мазкур соҳадаги қонунбузилишлари йилдан-йилга икки баробарга ўсган.

Мазкур қонун ижара ва лизинг муносабатларидаги қонунбузилиши ҳолатларининг олдини олишга, шунингдек, ушбу соҳада жисмоний ва юридик шахсларнинг мулк ҳуқуқлари кафолатини таъминлашга хизмат қилади.

Қонун билан кейинчалик сотиб олиш шarti билан ижарага ёки лизингга бериш билан боғлиқ ҳуқуқий муносабатлар тақомиллаштирилади;

автотранспорт воситаларини ижарага ёки лизингга беришдаги фирибгарлик жиноятларининг олди олинади; ижара ёки лизингга олувчиларнинг мулк ҳуқуқлари кафолатлари таъминланади.

Фракция аъзолари янги меъёрлар партия дастурий мақсадлари ва электорати манфаатларига хизмат қилишини таъкидлаб, айрим фикр-мулоҳазалар билдирган ҳолда, қонун лойиҳасини маъқуллаб овоз беришди.

Шу кун муҳокама қилинган яна бир лойиҳа ўлчаш воситаларини қиёслашдан ўтказиш соҳасига хусусий сектор жалб қилиниши муносабати билан "Метрология тўғрисида"ги Ўзбекистон Республикасининг Қонунига ўзгартиш ва қўшимчалар киритиш ҳақида бўлди.

Давоми 5-бетда. ▶

## ХУДУДЛАРДАН ҚУРУЛТОЙГА ДЕЛЕГАТЛАР САЙЛАНМОҚДА!

2023 йил 9 июль. Бу сана юртимиз тарихи саҳифаларидан алоҳида жой оладиган муҳим кунлардан биридир. Шу кун мамлакатимизда Ўзбекистон Республикаси Президентини сайлови бўлиб ўтади. Аини пайтда ушбу муҳим сиёсий тadbирни юқори савияда ташкил этиш учун барча даражадаги партия ташкилотларида тайёргарлик ишлари бошлаб юборилди.

Хусусан, Ўзбекистон Халқ демократик партиясининг ҳудудий кенгашларида ХДП Қурултойига пухта тайёргарлик куриш юзасидан белгилаб берилган устувор вазифалар асосида жойларда пленумлар ўтказилмоқда. 15 май санасидан бошлаб партиянинг Қорақалпоғистон

Республикаси, вилоятлар ва Тошкент шаҳар кенгашларида Қурултойга делегатлар сайланмоқда. Муҳими, фаоллар бўлажак Президент сайловини мамлакатимиз ҳаётида энг муҳим сиёсий жараён эканлигини инobatга олган ҳолда, ушбу тadbирларни уюшқоқлик билан юқори даражада ўтказишда фаоллик кўрсатмоқда.

Жумладан, Ўзбекистон ХДП Тошкент шаҳар кенгашининг IX пленуми бўлиб ўтди. Унда Ўзбекистон Халқ демократик партияси Тошкент шаҳар ва туман кенгашлари ҳамда партия гуруҳларининг сайловдаги муносиб иштирокини таъминлаш, Ўзбекистон Халқ демократик партиясининг XIII Қурултойига Тошкент шаҳридан делегатлар сайлаш тўғрисида-

ги масалалар муҳокама қилинди.

Йиғилиш давомида Ўзбекистон ХДП Тошкент шаҳар кенгаши раиси, халқ депутатлари Тошкент шаҳар Кенгаши депутаты, партия гуруҳи раҳбари Эшметова Нигора Асомидиновна сўзга чиқиб, Ўзбекистон Халқ демократик партиясининг сайловда фаол иштирок этишини таъминлаш ва ишларни самарали ташкил этиш мақсадида ишлаб чиқилган 7 та йўналиш, 37 банддан iborat асосий тadbирларининг календарь режасида белгиланган вазифалар ижросини ўз вақтида, ўзаро ҳамжихатлик ва ишчанлик руҳида таъминлаш лозимлигига эътибор қаратди.

Шундан сўнг, партия Қурултойига делегатлар сайлаш тўғрисидаги масала кўриб чиқилиб, иштирокчилар томонидан билдирилган таклифлар асосида 7 нафар делегат номзоди қўллаб-қувватланди.

Давоми 5-бетда. ▶

## БУТУН РЕСПУБЛИКА БЎЙЛАБ ИМЗО ЙИГИШ ЖАРАЁНИГА КИРИШИЛДИ



Ўзбекистон Халқ демократик партияси Президент сайловида иштирок этиш учун ижозат олганидан сўнг сайловчиларнинг имзоларини йиғишга киришди.

Сайлоа кодексига мувофиқ, сиёсий партия номзодни қўллаб-қувватлаб, жами сайловчиларнинг умумий сонининг камида бир фоизини тўплаш назарда тутилган.

Халқ демократик партияси Қорақалпоғистон Республикаси, вилоятлар ва Тошкент шаҳрининг барча ҳудудларида имзо йиғиш жараёнларини юқори уюшқоқлик билан ташкил этмоқда.

Суратларда Тошкент шаҳридаги имзо йиғиш жараёнидан лавҳалар



Давоми 5-бетда. ▶



## SAYLOV



# ХАЛҚ ДЕМОКРАТИК САЙЛОВИДА МУНОСИБ

## Партия Марказий Кенгаши пленумида

Хар қандай сайлов сиёсий партиялар, жумладан, Халқ демократик партияси учун ўз дастури, ғоя ва ташаббусларини бойитган ҳолда халқимиз олдида олиб чиқиш, ҳоқиқат-истақларини билиш, фаоллар ва электорати сафини кенгайтириш, ва албатта, сиёсий платформасини амалга ошириш нуқтаи назаридан муҳим имкониятдир.

2023 йил 12 май куни Ўзбекистон Халқ демократик партияси Марказий Кенгашининг навбатдан ташқари пленуми бўлиб ўтди.

Унда Ўзбекистон Республикаси Президенти сайловида партиянинг муносиб иштирокини таъминлаш билан боғлиқ муҳим масалалар кўриб чиқилди. Сайловда Ўзбекистон Халқ демократик партиясидан Ўзбекистон Рес-

публикаси Президентлигига бўлажак номзод кўрсатиш, партиянинг Қурултойини чақириш ва унинг кун тартиби, партия Қурултойига вакиллик меъёри ва уларни сайлаш тартиби тўғрисидаги масалалар муҳокама марказига қўйилди.

Пленумда Ўзбекистон Халқ демократик партиясидан Ўзбекистон Республикаси Президентлигига бўлажак номзод тўғрисидаги масала муҳокама этилди. Ўзбекистон Республикаси Президентлигига партия электорати, тарафдор ва фаоллари томонидан тавсия этилган Иноятов Улуғбек Илясович номзоди партиянинг Қурултойида кўриб чиқиш учун маъқулланди. Шундан сўнг бирин-кетин партия фаоллари сўзга чиқибди.



**Улуғбек ВАФОЕВ,**  
Ўзбекистон Халқ демократик партияси Марказий Кенгаши раиси ўринбосари:

– Мамлакатни ҳар томонлама тараққий эттириш, халқ фаровонлигига эришиш, давлат бошқаруви самарадорлигини оширишда сиёсий-ҳуқуқий ислохотлар фундаментал аҳамият касб этади.

Айниқса, кейинги ўн йилликда дунё давлатчилигида ижтимоий йўналиш, хусусан, ҳуқуқлар ва имкониятлар тенглигини таъминлаш, давлат институтларининг фуқаролар олдида масъулиятини кучайтириб бориш тамойили марказий ўринга чиқмоқда.

Халқимиз билан бирга муҳим сиёсий тадбир – мuddатидан илгари Президент сайлови арафасида турибмиз.

Сайлов бу – фикрлар, қарашлар, ғоялар рақобати, халқ хоҳиш-иродасининг намоён бўлиши, хар бир фуқаронинг ўз келажаги, Ватани равнақи, халқи фаровонлиги учун сиёсий жараёнларда фаол ва бевосита қатнашиш имкониятидир.

Айниқса, янгиланган Конституцияни сўзсиз ва тўлиқ амалга ошириш, унда мустаҳкамланган устувор принципларни рўйбга чиқариш, давлат органларининг фаолиятини янгича конституциявий-ҳуқуқий асосда йўлга қўйишда Президент сайлови муҳим аҳамият касб этади.

Бўлажак Президент сайлови янгиланган конституциявий-ҳуқуқий муҳитда, партиялараро рақобат, аҳолининг сиёсий ва фуқаролик фаоллиги кучайиб бораётган шароитда ўтади.

Партияимизнинг сайловдаги иштироки бўйича асосий тадбирларнинг календарь режаси ишлаб чиқилди, партия марказий сайлов штаби тузилиб, унинг вазифа ва вазифалари белгилаб берилди.

Шуни таъкидлаш керакки, бугунги кунда партияимиз аъзолари сони қарийб 550 минг кишидан зиёдни ташкил қилмоқда, аъзолар таркибиде республика даражасидаги давлат бошқарув органлари раҳбарлари, сиёсат ва жамоат арбоблари, ўз соҳасининг етуқ мутахассислари, бир сўз билан айтганда, юртимиз равнақи ва тараққиётга ўзларининг салмоқли ҳиссаларини қўшиб келаётган фуқароларимиз жуда кўп.

Партиянинг 32 йиллик сиёсий майдондаги фаолияти, тўплаган тажрибаси ҳамда сиёсий қарашларини эътиборга олган ҳолда, партия Марказий Кенгаши Ижроия қўмитаси аъзолари томонидан берилган тақлифлар, шунингдек, партия фаоллари билан масла-

ҳатлашиб, партия Уставининг 6.6.5-банди талабларидан келиб чиқиб, партия Қурултойига Ўзбекистон Республикаси Президентлигига бўлажак номзод этиб, Халқ демократик партияси Марказий Кенгаши раиси, Қонунчилик палатаси спикери ўринбосари **Улуғбек Илясович Иноятов**нинг номзодини кўрсатиш тақлиф этилмоқда.

Улуғбек Илясович Иноятов шахсига тўхталадиган бўлсам, самимийлик, оддийлик, ҳалоллик ва очиқлик, ўз принципларига содиқлик ва профессионаллики алоҳида таъкидлаш зарур.

У киши қатъий сиёсий позициясига эга, жамият манфаатини ўз шахсий манфаатидан устун қўйишдек ноёб фазилат соҳиби, фидойи раҳбар, жамиятнинг умуммақсади йўлида собитқадамлиги билан кўп сонли партия аъзолари ва аҳоли ўртасида катта ҳурмат ва эътиборга эга.

Бир сўз билан айтганда, Улуғбек Илясович давлат бошқаруви ва сиёсат соҳасида етарли тажрибага эга, партияимиз олдида турган дастурий мақсад ва вазифаларни самарали бажара олиш учун зарур кўникмага эга ҳамда сайловчиларимизни ўз ортдан эргаштира олади.

Юқоридегилардан келиб чиқиб, партия Марказий Кенгаши Ижроия қўмитаси аъзолари, бир қатор партия фаоллари, фахрийларининг тақлиф ва истақларини эътиборга олиб, биз Улуғбек Илясович Иноятовнинг номзодини Халқ демократик партиясидан Президентликка бўлажак номзод сифатида илгари суриш ҳақидаги масалани партиянинг Қурултойига киритиш юзасидан тақлиф билдирмоқдамиз.

Барча пленум аъзолари ушбу тақлифимизни қўллаб-қувватлайди, деб умид қиламиз.



**Шарбат АБДУЛЛАЕВА,**  
Халқ демократик партияси "Фахрийлар кенгаши" раиси:

– 2023 йил мамлакатимиз тарихида янги бир саҳифа очди десам, хато бўлмайди. Нега деганда, аввало халқимиз ўз сиёсий иродасини ифода этиб, янгиланган Конституцияни қабул қилган бўлса, куни кеча яна бир муҳим сиёсий тадбирга старт берилди. 9 июль куни мuddатидан илгари Президент сайлови ўтказилди.

Ҳар қандай сайлов – бу сиёсий партиялар учун имконият. Бугун сиёсий партиялар ўртасида соғлом рақобат муҳити тобора ривожланиб, уларнинг давлат ва жамият ҳаётидаги иштироки кенгаётган бир пайтда аниқ, ҳаётий ва аҳоли манфаатларига мос мақсад-вазифаларни ўз зиммамизга олишимиз муҳим аҳамият касб этади. Шу маънода, партияимизнинг ўз олдида қўйган ғоя ва мақсадлари бугунги замон талабига мутаносиб, давр тақозо этаётган

муҳим масалалар эканлиги билан аҳамиятлидир.

Ушбу жараёнда партияимиз янгиланган Конституциядан келиб чиқиб, **дастуримизни ҳам тубдан янгилашимиз**, унга халқимизни ҳозирги кунда ўйлантираётган долзарб масалалар бўйича аниқ ечимларни киритишимиз керак бўлади.

Шу билан бирга, партияимиз ўзининг сиёсий мавқеи ва имижини ҳамда тарғибот-ташвиқот ишларини янада кучайтириш зарур. Бундан, аввало, партияимиз фаолиятини тарғиб қилиш, етакчиларимизни сиёсий майдонга олиб чиқиш, янги номзод тўғрисида электоратимизни, сайловчиларимизни хабардор қиладиган муҳитни яратишимиз зарур.

Сайловолди тарғиботи жараёнларида, партияимиз ташкилотлари ҳузурида ташкил этилган "Тарғиботчилар гуруҳи", "Ёшлар" ва "Фаол аёллар" қанотлари аъзолари имкониятларидан самарали фойдаланишимиз зарур. Олдимизда турган муҳим сиёсий жараёнларда хар бир партия аъзоси, депутатлар, туман, шаҳар Кенгашлари, бошланғич партия ташкилотлари барча имкониятларини ишга солиши, шижоат билан ишлаши лозим.

Шу ўринда партияимиздан Ўзбекистон Республикаси Президентлигига номзод сифатида кўрсатилаётган **Улуғбек Илясович** ҳақида ҳам тўхталиб ўтсам. У киши оддий ўқитувчиликдан чиқиб, таълим соҳасига кўп меҳнати сингган, ҳаётнинг паст-баландини яхши биладиган, камтарин инсон. Сиёсатда, давлат ва жамоат ишларида катта тажрибага эга, ўз соҳасининг етуқ мутахассиси, юртимиз равнақи ва тараққиётга ўзининг салмоқли ҳиссасини қўшиб келмоқда.

У кишининг партияимиздан Президентлик учун номзод сифатида кўрсатилишини қўллаб-қувватлайман. Улуғбек Илясовични номзодликка хар томонлама лойиқ инсон, деб биламан.



**Эркин ГАДОЕВ,**  
Олий Мажлис Сенати Бюджет ва иқтисодий ислохотлар масалалари қўмитаси раиси, Ўзбекистон Халқ демократик партияси фаоли:

– Бир сиёсий жараённи яқунлаб, яна бир муҳим сиёсий тадбир – Ўзбекистон Республикаси Президентини сайлови олдида учрашиб турибмиз.

Бугунги йиғилишимизда партияимизнинг ушбу сайлов кампаниясида муваффақиятли иштирок этиши билан боғлиқ масалалар атрофлича муҳокама қилинмоқда, режалар, дастурлар ишлаб чиқилмоқда.

Барчамизга маълумки, Конституциямизга биноан Президент сайловининг асосий субъекти сиёсий партиялардир.

Демак, мамлакатимиз сиёсий майдонда ўз ўрни ва мавқеига эга, барча сайловларда фаол қатнашиб келаётган партия сифатида Ўзбекистон Халқ демократик партияси сайловда ўз нуфузига муносиб тарзда иштирок этиши лозим.

Партияимиз томонидан мuddатидан илгари Ўзбекистон Республикаси Президентини сай-

ловда иштирок этиш учун Иноятов Улуғбек Илясович номзоди кўрсатилишини тўлиқ қўллаб-қувватлайман. Юқориде таъкидланганидек, у киши кўп йиллардан бери давлатимиз ва жамиятимиз учун фидокорона хизмат қилиб келмоқда.

Унинг таълим ва партияимиз ривожига қўшган ҳиссаси катта. Шу билан бирга, Улуғбек Илясовичнинг бир жиҳатида алоҳида тўхталиб ўтмоқчи эдим. У киши жуда ҳам камтарин ва инсонпарвар шахс ҳисобланади. Бу ҳолатга шахсан ўзим бир неча бор амин бўлганман. Шу боис, ўйлайманки, айнан Улуғбек Илясович партияимизнинг энг муносиб номзоди ҳисобланади.

Ўзбекистон Республикаси Президентлигига бўлиб ўтадиган сайловга тайёргарлик кўриш ва уни ўтказиш билан боғлиқ қарорларни ҳамда партиянинг номзодини қўллаб-қувватлаган ҳолда, режа ва дастурлар доирасидаги барча тадбирларнинг юқори савияда, сайлов қонунчилигининг асосий тамойил ҳамда талабларига мос равишда ўтишини таъминлашга ўз ҳиссасимизни қўшамиз.



# ПАРТИЯСИ ПРЕЗИДЕНТ ИШТИРОК ЭТАДИ

## ШУ ҲАҚДА ҚАРОР ҚАБУЛ ҚИЛИНДИ



**Малика ҚОДИРХОНОВА, Олий Мажлис Сенати Хотин-қизлар ва гендер тенглик масалалари кўмитаси раиси, Ўзбекистон Халқ демократик партияси фаоли:**

– Халқимиз билан янги Ўзбекистонга мос ва монанд, халқнинг орзу-умидларини ўзида тўлиқ муҷассам этган янгиланган Конституцияни қабул қилдик.



**Шерзод РАҲМОНОВ, Олий Мажлис Қонунчилик палатаси депутаты, Ўзбекистон ХДП фракцияси аъзоси:**

– Мамлакатимизда яна бир муҳим сиёсий имтиҳон – Ўзбекистон Республикаси Президенти сайловиغا тайёргарлик кўрилмоқда. Мазкур сайлов мамлакатимиз сиёсий ҳаётида муҳим воқеа. Мазкур сиёсий жараёнда партияимизнинг муносиб иштирокини таъминлаш, умуман олганда сайловга пухта тайёргарлик кўриш масаласида олди-

мизга муҳим вазифаларни белгилаб олаёмиз. Тарғибот ва ташвиқот жараёнларида асосий кучимиз минтақавий, маҳаллий ва бошланғич даражадаги партия ташкилотларимиз ҳамда тарғиботчиларимиз ҳисобланади. Уларнинг имконият ва ваколатларидан самарали фойдаланишимиз лозим. Халқ демократик партиясининг парламентдаги фракцияси ҳамда халқ депутатлари кенгашларидаги партия гурӯҳлари партиянинг Президент сайловида

иштирок этиши жараёнларида фаол қатнашади. Партияимиздан Президентликка номзод сифатида кўрсатилаётган Улуғбек Илясович ҳақида ҳам тўхталиб ўтсам. У киши жуда самимий, оддий, очиккўнгил инсон. Шу билан бирга, ўз принципларига содик, профессионал, қатъий сиёсий позициясига эга, партия электорати манфаатларини собитқадамлик билан илгари суришига ишонаман.



**Назира МАТЯКУБОВА, "Қорақалпоғистон тонги" газетаси бош муҳаррири, Қорақалпоғистон Республикаси Жўқорғи Кенгесидаги ЎзХДП фракцияси аъзоси:**

– 2023 йил мамлакатимиз тарихида ҳар тарафлама муҳим ижтимоий-сиёсий воқеаларга бой йил бўлмоқда. Халқимиз умумхалқ референдумида ўзининг фаол фуқаролик позициясини ва юксак сиёсий салоҳиятини намён этиб, келажақда қандай давлатда яшаш истакларини намён этдилар. Барчамиз ушбу жараёнларнинг фаол иштирокчиси сифатида Конституциявий қонун лойиҳасини тайёрлаш ва муҳокама қилиш жараёнларида кенг жамоатчиликнинг юксак фаолигига гувоҳ бўлдик. Шунинг алоҳида таъкидлаш керакки, янги тахрирдаги Конституциянинг қабул қилиниши давлатнинг ўз фуқароларига бўлган ғамхўрлигини янада кучайтиради, давлат институтларининг фаолиятлари самардорлигини янада оширади. Партиянинг 30 йиллик аъзоси сифатида шунинг алоҳида таъкидлаш керакки, партияимиз ўтган йиллар давомида мамлакатимиздаги демократик ислохотларда, ошқоралик, эркинлик асосида ўтказилиб келинаётган барча сайлов жараёнларида фаол қатнашиб келди. Бу жараёнлар партиянинг сиёсий тажрибасини оширди, мафқуравий, ташкилий ва услубий жиҳатдан мустаҳкамлади. Сайлов орқали биз партияимизнинг дас-

лашган. Ҳар қадамда тўқнашув, келишмовчилик юзага келмоқда. Айрим давлатлар фуқаролар олдига тинчликни асраш бўйича бурчини бажара олмапти. 30 апрель куни бўлиб ўтган референдумда халқимиз ўзининг фуқаролик позициясини намён қилди. Бошқача айтганда, мамлакатимиз ривожланишининг янги тарихий тараққиёт босқичига кўтарилмоқда.

Пленумда муҳокама қилинаётган масалалар мамлакатимизда рўй бераётган сиёсий жараёнларда муҳим аҳамият касб этади. Ушбу қарорларни ҳамда партияимиз томонидан кўрсатилаётган Улуғбек Илясович Иноятов номзодини қўллаб-қувватлаган ҳолда барчамиз ҳамфикр бўлиб, олдимизда турган муҳим вазифаларни амалга оширишда фаол бўлаёмиз. Партиянинг Сирдарё вилоятидаги барча даражадаги ташкилотлари ва депутатлик гурӯҳлари Ўзбекистон Республикаси Президентлигига бўлиб ўтадиган сайловга тайёргарлик кўриш ва уни ўтказиш билан боғлиқ қарорларни ҳамда партиянинг номзодини қўллаб қувват-

лаган ҳолда, олдимизда турган муҳим сиёсий тадбирни юқори савияда, сайлов қонунчилигининг асосий тамойил ҳамда талабларига мос равишда ўтишини таъминлашга ўз ҳиссасини қўшади.

Олдимизда турган улкан вазифаларни бажаришда барчангизга куч-қувват ва омад тилайман.

Янгиланган Конституциямиз мамлакатимизда барча соҳаларда, жумладан, давлат бошқаруви, сиёсий-ҳуқуқий ислохотлар йўналишида ҳам янги ҳуқуқий маконни юзага келтирди. Мана шундай тарихий даврда Халқ демократик партияси устувор дастурий мақсадларидан келиб чиқиб, юртимизда ўтказиларидан Президент сайловида муносиб иштирок этиш учун барча имкониятларини сафарбар қилмоқда.

Ҳа айтганча, Халқ демократик партиясидан Ўзбекистон Республикаси Президентлигига номзод ҳақида яқуний қарор қабул қилишга фақат партиянинг Қурултойи ваколатли ҳисобланади.

**Қўш саҳифани Аҳмад ҚУРБОНОВ тайёрлади.**



**Шерали МАМАДЦЕВ, Ўзбекистон ХДП Сирдарё вилоят кенгаши раиси:**

– Барчамиз гувоҳи бўляёмизки, бугун дунё нотинч, аввалгидан анча мураккаб-

## MUNOSABAT

# ЯНГИЛАНГАН КОНСТИТУЦИЯ ҲАЁТИМИЗНИ ЎЗГАРТИРАДИ

**90,21 фоиз – янги тахрирдаги Конституцияни ёқлаб овоз берилган кўрсаткич. Яъни, 30 апрель кўни ўтказилган референдумда иштирок этган ҳамюртларимизнинг асосий қисми орзумидлари ва интилишлари Бош қонунимизда ўрин олганини ўз танлови билан исботлаб берди. Зеро, мамлакатнинг асосий қонунда тараққиётга етакловчи мустақам стратегияни амалга оширишнинг сиёсий-ҳуқуқий асослари яратилиб, миллий давлатчилик тараққиётининг тарихий муҳим босқичида давлат ва жамиятни янада ривожлантиришнинг устувор йўналишлари белгилаб берилган.**

**Эътиборли жиҳати шундаки, референдум кўп миллатли халқимизнинг бирдамлиги ҳамда ҳамжиҳатлиги, суверен, демократик, ҳуқуқий, ижтимоий ва дунёвий давлат қуришга қатъий қарор қилинганининг ишончли ифодаси бўлди.**

**Жумладан, Конституцияда давлат қурилишининг янги стратегик мақсади ижтимоий давлат қуриш экани белгилаб берилди. Ижтимоий адолат ва бирдамлик тамойиллари жорий этилиши орқали эса жамиятда тенглик муҳитининг яратилишига эришилади. Инсон ҳуқуқ ва эркинликларининг ҳимоясида мутлақо янги механизмлар жорий этилди. Муҳими, буларнинг барчасининг кафолати Конституция даражасида мустақамлаб қўйилди.**

**Ўзбекистон Халқ демократик партияси фаоллари, депутатлар эса ижтимоий масалалар устувор бўлган мазкур бош ҳужжатни энг бошидан тўлиқ қўллаб-қувватлади. Айтилган юртимиз аҳлини қандай ўзгариш ва энгилликлар кутаётгани ҳақида ўз қарашларини билдирмоқдалар.**



**Қизилгул ҚОСИМОВА,**  
Олий Мажлис Қонунчилик  
палатасидаги Ўзбекистон ХДП  
фракцияси аъзоси:

— Аввало, халқимизнинг мамлакат тақдирига бефарқ бўлмагани ва унинг тараққиётига хизмат қилувчи муҳим ҳужжатни қабул қилишдаги фаоллиги эътирофга муносиб, деб биламан. Зеро, бирдамлик билан қабул қилинган Конституцияда инсон ҳуқуқ ва манфаатларининг энг кичик жиҳатлари ҳам эътиборга олинган. Муҳими, у олий юридик кучга эга эканлигидан келиб чиқиб, давлат органлари ва ташкилотлари, шу жумладан, суд ва ҳуқуқни муҳофаза қилувчи органлар фаолиятида тўғридан-тўғри ва сўзсиз қўлланилади. Бу нимани билдиради? Яъни, янги тахрирдаги Конституция меъёрларини уларни амалга ошириш учун бошқа қонунчилик ҳужжатларининг мавжуд эмаслиги ёки қонунчиликка Конституцияга мувофиқ ўзгариш ва қўшимчалар киритилмаган, деган важдар билан қўллашни рад этиш қатъиян тақиқланади. Кимда ким ана шундай ҳолатга йўл қўйса, табиийки, жавобгар ҳисобланади. Хусусан, давлат органлари ва ташкилотларининг раҳбарлари янги тахрирдаги Конституцияни амалга ошириш бўйича чора-тадбирлар ижросини ўз вақтида таъминлаш учун шахсан жавобгар ҳисобланади.

Айтилик, бирор-бир масалада масъул олдига бордирингиз ва уй-жой, бандлик, юридик ёрдам ёки бошқа турдаги давлат хизматларидан Конституцияда белгиланган тартибда фойдаланмоқчисиз. Ҳеч ким юзингизга эшикни ёпиб қўя олмайди.

Кўпчиликка, айниқса, пойтахтга бошқа вилоятлардан келиб ўқиган, ишлаган одамларга яхши таниш муаммо илдизи билан йўқ қилинди. Яъни, мамлакат бўйлаб эркин ҳаракатланиш, турар ва яшаш жойини танлаш ҳуқуқи янги тахрирдаги Конституциянинг 32-моддасида белгилаб қўйилди. “Прописка” билан боғлиқ масалага охириги нукта қўйилди.

“Прописка” – бу шунчаки паспортдаги бир муҳрига эмас, инсоннинг бутун ҳаётига таъсир қилувчи тамга эди гўёки. У эркин ҳаракатланиш ҳуқуқини асосий чекловчи қонуности ҳужжатлар билан мустақамланганди. Совет тузумидан қолган бу бешафқат тизим фуқарони ўзи рўйхатдан ўтган жойга занжирсиз боғлаб қўярди. Инсоннинг ишлаш, ўқиш, соғлиғини сақлаш ва бошқа ҳуқуқлари чекланиб келинган.

Масалан, баъзида фуқаролар Тошкентга келиш учун йўллардаги назорат постларидан паспортсиз ўта олмас эди, уларнинг билим олиши, даволаниши, ишлаши ёки қариндошларини кўриши учун пойтахтга келиб туришида ҳам бир талай қоғозбозлик, сунъий тўсиқлар бўлган. Эндиликда буларнинг барчасига чек қўйилди.

Бир мамлакатнинг фуқаро, бир паспорт, битта фуқароликка эга инсонларни йиллар давомида ташвишга солган, керак бўлса сарсон қилган тартиб бекор қилинди. Тўсиқларни тизимли ҳал этиш мақсадида ҳар бир Ўзбекистон фуқароси мамлакат бўйлаб эркин ҳаракатланиш, турар ёки яшаш жойини эркин танлаш ҳуқуқи таъминланди. Ва бу Конституциядаги биргина ўзгариш, холос. Унинг асосида жорий этилган ҳуқуқ ва манфаатлар кафолати ҳали ўз ифодасини топиб бораверди.



**Ўрол ЎРОЗБОЕВ,**  
Олий Мажлис Қонунчилик  
палатасидаги Ўзбекистон ХДП  
фракцияси аъзоси:

— Қийноқ, зўравонлик, камситиш, шахс дахлсизлигининг бузилиши Ўзбекистондаги узоқ йиллик муаммолардан биридир. Айниқса, жазони ижро этиш муассасаларидаги вазият фуқаролар ва халқаро ташкилотлар томонидан бир неча бор танқид қилинган. Аслида ҳам, бизга номаълум сабабларга кўра, айбисиз айбдорлар кўпайган. Ҳеч бир жиноятга қўл урмаган, одамлар орасида ўз обрўсига эга кишилар, умуман, қўтилмаган шахслар бирдан панжара ортига тушиб қолган. Тўғри, бу каби ҳолатлар кўп, адолат умуман йўқ эди, демократ эмасан. Аммо тергов вақтидаги таъйинлар натижасида қилмаган жиноятини бўйнига олишга мажбур бўлганлар афсуски, бор эди.

Янги тахрирдаги Конституцияда инсоннинг шаъни ва кадр-қиммати дахлсиздир. Ҳеч нарса уларни камситиш учун асос бўлиши мумкин эмас, деб белгиланди. Конституцияга киритилган ўзгаришлар эса мазкур муаммога барҳам беришга қаратилгани билан аҳамиятлидир. Унга кўра, шахсий дахлсизлик, инсон ҳуқуқ ва манфаатлари сўзсиз таъминланиши белгилаб қўйилди.

Яъни, ҳеч ким қийноққа солиниши, зўравонликка, бошқа шафқатсиз, ғайриинсоний ёки инсон кадр-қиммати камситувчи муаммага ёхуд жазога дучор этилиши мумкин эмаслиги мустақамланди. Шунингдек, бирор кимсаннинг розилигисиз уни тиббий ва илмий тажрибалар ўтказилишида иштирок этишга мажбурлаш ҳам жавобгарликка сабаб бўлади.

Ўзбекистон Республикасида шахс дахлсизлиги асосий ҳуқуқ ва кадрият сифатида Конституция даражасида мустақамланди. Шундай экан, қийноқлар, зўравонлик ёки инсон кадрини камситилишига мутлақо йўл қўйиб бўлмайди. Биламизки, бундай ноқонуний ҳатти-ҳаракатлар эрки, ҳуқуқи чекланган шахсларга нисбатан ҳуқуқни муҳофаза қилиш органлари томонидан содир қилиниши мумкин.

Аммо бугун суд-тергов тизими аввалгидай ёпиқ эмас. Очқиклик сиёсати, секин-аста бўлса-да, бу соҳаним ислоҳ қилинишига олиб келяпти. Албатта, бу осон бўлмапти ва ҳали қилиниши керак бўлган кўп. Шулардан бири қийноқларга йўл қўйилмаслик эди

ва бунинг кафолати Бош қонунимизда аниқ ҳуқуқий асослар билан белгилаб қўйилди. Зотан, очқиклик ва шаффофлик бўлсагина одамлар ўз ваколатларини суиистеъмол қилмайди, қонун бўйича иш тутаяди.

Шунинг учун жазони ижро этиш муассасаларида 2800 дан ортиқ видеокузатув камералари ўрнатилди, улардан 1920 таси жазони ижро этиш колонияларида, 880 таси тергов хибсхоналаридаги усқуналар ташкил этади. Ички ишлар вазирлигининг барча тергов изоляторларида, тергов тадбирларини ўтказиш хоналарида 123 та видеокузатув камералари ўрнатилган. Ички ишлар вазирлиги тергов изоляторларида терговчилар учун 43 та хонанинг 42 тасида овоз ёзувчи мосламалар билан бирга видеокузатув камералари ва реабилитация марказларида 283 та видеокузатув усқуналари ўрнатилган.

Янги меъёрлар билан инсон кадрини таъминлаш, уларни ҳар қандай вазиятда, ҳаттоки тергов пайтида ҳам ҳимоя қилишга пойдевор яратилди. Очқикликка, инсон ҳуқуқларининг қатъий ҳимоясига қадам босилди. Бунинг асосий қонунда мустақамлаб қўйилиши эса бошланган ишлар вақтинча эмас, тизимли ва ортага қайтмас жараён эканини кўрсатади.



**Фирдавс ШАРИПОВ,**  
Олий Мажлис Қонунчилик  
палатасидаги Ўзбекистон ХДП  
фракцияси аъзоси:

— Шу йилнинг 30 апрель санасида бўлиб ўтган умумхалқ референдумида халқимиз бирдамлигини яна бир бор намоён қилиб, ўзининг янги тахрирдаги Конституцияни ёқлаб овоз берди.

Галдаги қадам, албатта, қабул қилиниб кучга кирган Бош Қонунимизни ҳаётга татбиқ этиш ҳисобланади. Яқинда эълон қилинган “Янги тахрирдаги Ўзбекистон Республикаси Конституциясини амалга ошириш бўйича биринчи навбатдаги чора-тадбирлар тўғрисида”ги Президент Фармони бу борада дастуруламал бўлиши, шубҳасиз.

Мазкур ҳужжатда Конституциямизда акс этган янги нормаларни амалиётда тўлақонли ўз ифодасини топиш тартиблари баён этилган. Биз болажон халқимиз. Амалга оширадиган ишларимизнинг аксарияти келажак авлоднинг баркамол бўлиб ўсишига қаратилади. Мамлакатимиз аҳолисининг 30 фоизидан ортиги 18 ёшгача бўлганлар ташкил этади.

Фармонда янги тахрирдаги Конституциянинг 78-моддасидан келиб чиқиб, бола ҳуқуқлари, эркинликлари ва қонуний манфаатларини таъминлаш ҳамда химоя қилиш, унинг жисмоний, ақлий ва маданий жиҳатдан тўлақонли ривожланиши учун энг яхши шарт-шароитларни яратишга оид давлатнинг аниқ мажбуриятларини қонунчилик ҳужжатларида акс эттириш назарда тутилган.

Жорий йилнинг 1 сентябрдан бошлаб республика фуқароси ҳисобланган, 18 ёшгача бўлган болаларнинг маданий мерос объектларига, жумладан, кўргазмалар, тарихий обидалар ва зиёратгоҳлар, шунингдек, давлат музейларига тўловсиз кириш тартиби жорий этилади. Бу албатта, болаларда халқимизнинг бой маданий меросидан фахрланиш, Ватанга бўлган меҳр-муҳаббат туйғулари шакллантиришга муҳим омил бўлади.

Қолаверса, бола ҳуқуқлари, эркинликлари ва қонуний манфаатларини таъминлаш ҳамда химоя қилиш, боланинг жисмоний, ақлий ва маданий жиҳатдан тўлиқ ривожланиши учун муносиб шарт-шароитларни яратиш бўйича давлатимиздаги ҳуқуқий асосларни янада бойитишимизни тақозо этмоқда. Шу маънода, “Ўзбекистон Республикаси Олий Мажлисининг Бола ҳуқуқлари бўйича вакили (Болалар омбудсмани) тўғрисида”ги қонун лойиҳасини қабул қилиш белгиланмоқда.

Шу билан бирга, Конституциямизнинг 50-моддасига биноан алоҳида таълимга эҳтиёжи бўлган болалар учун инклюзив таълим ва тарбия бериш тизимини такомиллаштириш кўзда тутилмоқда. Бунда уларни дарсликлар билан таъминлаш, болаларни ўқитиш бўйича педагогларнинг малакасини ошириш ва қайта тайёрлаш кўзда тутилган. Муҳими, инклюзив таълим бериш бўйича ўқув дастурларини модернизация қилиш бўйича комплекс чора-тадбирлар ишлаб чиқилиб амалга оширилади. Алоҳида таълим эҳтиёжларига эга бўлган болаларнинг таълим ташкилотларига келиб-кетиши учун шароитлар яратиш ҳам белгиланган.

Умуман, янги тахрирдаги Ўзбекистон Конституцияда мустақамланган устувор тамойилларни рўйбага чиқариш биз депутатларга ҳам чўқур масъулият юклайди. Яъни, одамлар орасида мамлакатнинг асосий ҳужжатини тарғиб қилиш, ижроси устидан назоратни қўчайтириш Конституцияда ёзилган меъёрлар ҳаётга кўчишини таъминлашга турки бўлади.



**Музаффар ТУРОПОВ,**  
Ўзбекистон ХДП Қашқадарё вилоят  
кенгаши раиси ўринбосари:

— Оила жамиятнинг бирламчи бўғини ҳисобланади. Шунга кўра, ҳеч муболағасиз айтиш мумкинки, оила фуқаролик жамиятининг таянч нуқтаси, барқарор тузилмасидир. Чунки бу муқаддас даргоҳда нафақат инсон дунёга келади, балки у маънан ва ахлоқан тарбия топади.

Бинобарин, оила эр-хотин, уларнинг болачақалари, энг яқин туғишганларидан иборат кишилар гуруҳи, яъни хонадон ҳисобланади. Айтиш чоғда оила кишиларнинг табиий, иқтисодий, ҳуқуқий, маънавий муносабатларига асосланган ижтимоий бирлиги ҳамдир. Оила шундай маконки, унда авлодлар камол топади, бутун бир жамият, давлат ҳосил бўлади.

Демак, оила жамиятнинг табиий ҳужайраси, ижтимоий асосидир. Оила қанчалик мустақам бўлса, жамият ҳам шунчалик мустақам бўлади ва тез ривожланади. Шу билан бирга, жамият асоси саналган оиланинг моддий ва ижтимоий жиҳатдан мустақамланиб бориши гоаят муҳим аҳамиятга эга.

Шу жиҳатдан Бирлашган Миллатлар Ташкилотининг Бош Ассамблеяси 1994 йилдан эътиборан ҳар йили 15 май кунини “Халқаро Оила кўни” сифатида нишонланишга қарор қилгани бежиз эмас.

Янги Конституциянинг асосий янгиликлари давлат оиланинг тўлақонли ривожланиши учун ижтимоий, иқтисодий, ҳуқуқий ва бошқа шарт-шароитлар яратиши мустақамланди. Фарзандлар тарбияси, уларга таълим бериш, баркамол вояга етказиш ота-она мажбурияти сифатида белгиланмоқда.

Азалдан оилага қатта эътибор билан қараб келган халқимиз учун бу тушунчалар бегона эмас. Шундан бўлса керак, оила иши шу оила аъзоларининг шахсий иши деб, уларни ўз ҳолига ташлаб қўйиш бизнинг давлат ва жамиятимизга ёт ҳолат саналади.

Масалан, Қашқадарё вилоятида уч миллион тўрт юз мингдан зиёд аҳоли 800 тадан ортиқ маҳалла фуқаролар йиғинида истиқомат қилади. Вилоятдаги 626 мингдан ортиқ хонадонда 784 мингдан зиёд оила тинч ва фаровон яшаб келмоқда. Уларга Конституциянинг асосида барча шарт-шароитлар ҳамда имтиёзлар яратиб берилмоқда. Айниқса, кам таъминланган оилаларга, болаларга, ёлғиз аёлларга давлат ва жамият ўз ёрдамини кўрсатиб келмоқда.

Биламизки, уларни уй-жой билан таъминлаш, ишли қилиш ҳаминша устувор масала саналган. Янги Конституцияда ушбу масалалар юзасидан ҳам яқиний сўз айтилган. Яъни, ҳар ким уй-жойли бўлиш ҳуқуқига эга экани кафолатланмоқда. Ваҳоланки, бу умумэтироф этилган халқаро ҳужжатлардаги инсоннинг ҳуқуқидир. Барча демократик давлатда мулк ҳуқуқи, айниқса, шахс яшаб турган уй-жойга нисбатан мулк ҳуқуқи муқаддас ҳуқуқ ҳисобланади ва мутлақ ҳимоя қилинади.

Бу борада Конституцияга киритилган ўзгаришлар бир неча йиллардан буён жамиятимизда ўткир муаммолардан бирига айланган “снос” билан боғлиқ масалага нисбатан халқпарвар, мулкдорлар манфаатини ҳимоя қилувчи оқилона ечим эканлигини тасдиқлайди. Авваллари “снос”га тушган мулкларнинг ҳаммаси тўлиқ қоплаб берилмас эди. Компенсация пулини кутган аҳоли сарсонгарчилигига йўл қўйилган. Бундай ҳолатларнинг олдини олиш учун Конституцияга уй-жой дахлсизлигига оид қоида киритилди.

Халқимиз бу қоидадан мустақамланиши орқали уй-жойлари қатта-кичик амалдорларнинг қарорлари билан олиб қўйилмаслигига ва инсонларнинг кўчада қолиб кетмаслигига эриштирилиши хурсанд. Энди ҳеч ким мулк эгасини рози қилмасдан туриб, уни буза олмайди. Энди ҳеч ким ҳеч бир сабабсиз кўчада қолмайди, отабобосидан қолган меросдан ажралмайди.

**“Ўзбекистон ovozi” муҳбири  
Зилола УБАЙДУЛЛАЕВА тайёрлади.**



# ЕНГИЛЛИККА ЙЎНАЛТИРИЛГАН ҚОНУНЛАР



Қонунга киритилаётган ўзгариш ва қўшимчалар ўлчаш воситаларини қиёслашдан ўтказиш хизматлари давлат ва ҳўжалик бошқаруви органлари ҳисобланмайдиган юридик шахсларнинг метрология хизматлари томонидан кўрсатилишини таъминлаш орқали тадбиркорлик фаолияти субьектларига ўз фаолият доирасини кенгайтиришга, метрология соҳасида фаол рақобат муҳитини шакллантириш имконини беради.

Лойиҳада метрология хизматлари соҳасига хусусий секторнинг жалб этилиши ва бу борадаги давлат ташкилотларини эксклюзив ҳуқуқлардан маҳрум қилиб, соҳадаги монополияга чек қўйиш кўзда тутилмоқда.

Қолаверса, қонун лойиҳаси билан метрология текшируви ва метрология назорати функциялари ажратилмоқда.

Агар қонун кучга кирса, давлат метрология назоратини амалга ошириш ваколатини сақлаб қолган ҳолда, метрология текширувини эркинлаштирилади. Яъни, бу соҳада хусусий секторнинг фаолияти қонун билан кафолатланади.

Қун тартибда яна бир муҳим Маъмурий жарималарни ижро этиш тизими такомиллаштирилиши муносабати билан Ўзбекистон Республикасининг Маъмурий жавобгарлик тўғрисидаги кодексига ўзгаришлар ва қўшимча киритиш ҳақидаги қонун лойиҳаси муҳокама этилди.

Амалдаги қонунга кўра, Мажбурий ижро бюросининг исталган "ижрочи" мақомидаги ҳодими маъмурий жазога тортиш ваколати борлиги аҳоли орасида айрим норозиликлар келиб чиқишига сабаб бўлаётгани.

Шунингдек, Мажбурий ижро бюроси томонидан қўлланиладиган маъмурий жарима

миқдори ундирилиши лозим бўлган суммага нисбатан номутаносиб равишда бир неча қарра юқори белгиланиши мумкин.

Бу эса аҳолининг иқтисодий ҳолатини ва харид қобилиятини оғирлаштириши табиий.

Мазкур қонунга биноан МЖТКнинг 1981-моддасига ушбу модда асосида қўлланиладиган жариманинг миқдори ижро ҳужжатида ундирилиши белгиланган суммадан юқори бўлиши мумкин эмаслиги ҳақида норма киритилмоқда.

МЖТКнинг 2453-моддасига МЖТКнинг 1981-моддасида назарда тутилган маъмурий ҳуқуқбузарликлар тўғрисидаги ишларни кўриб чиқишга ҳамда маъмурий жазо қўллашга Ўзбекистон Республикасининг Бош давлат ижрочиси, Қорақалпоғистон Республикаси, вилоятлар ва Тошкент шаҳрининг бош давлат ижрочилари, уларнинг ўринбосарлари, шунингдек, Мажбурий ижро бюросининг туман (шаҳар) бўлимлари бошлиқлари ҳақида эканлиги тўғрисидаги ўзгариш киритилмоқда.

Қонун лойиҳаси Халқ демократик партиясининг ҳуқуқлар ва имкониятлар тенглиги, ижтимоий адолат ғояларига мослиги алоҳида таъкидланди. Шунингдек, жарималар миқдори аҳолининг реал даромадларига мувофиқ бўлиши муҳим аҳамиятга эга экани қайд этилиб, қўллаб-қувватлаш бўйича яқдил қарор қабул қилинди. Душанба куни бўлиб ўтган фракция йиғилишларидаги муҳокамалар сешанба куни Олий Мажлис Қонунчилик палатасининг ялпи мажлисида ҳам давом этди.

Мажлисда "Адвокатура тўғрисида"ги Ўзбекистон Республикаси Қонунининг 3-1-моддасига ўзгариш киритиш ҳақида"ги қонун лойиҳаси иккинчи ўқишда муҳокама қилинди.

Таклиф этилаётган қонун лойиҳаси билан адвокатлик лицензиясини олишга имтиҳон

топшириш учун талабгор шахснинг юридик мутахассислик бўйича камида икки йиллик иш стажига эга бўлиши талабининг бекор қилиниши олий таълим ташкилотлари битирувчи ҳуқуқшунослари орасида адвокатура соҳасига бўлган қизиқишнинг ошишига ва соҳада кадрлар алмашинуви жараёнлари сифат жиҳатидан янги босқичга кўтарилишига хизмат қилади.

Агар мазкур қонун кучга кирса, энди юридик маълумотга эга олий таълим битирувчилари дарҳол адвокатлик фаолиятини бошлаши мумкин бўлади. Бу лойиҳада таклиф этилаётган ислоҳотга ҳозир жамиятимизда муҳтожлик бор. Сабаби, адвокатлик фаолиятини олиб бораётганлар аҳоли жон бошига ҳисобланганда халқроқ стандартлардан анча пастда. Бундан хабардор бўлган қонун ташаббускорлари ҳам, халқ вакиллари ҳам лойиҳани тезроқ ҳаётга татбиқ этиш кераклигини таъкидлашди.

Мажлисда депутатлар томонидан кўтарилган саволлар ҳамда таклифлар юзасидан ташаббускорлар томонидан атрафлича жавоблар олинди, қонун лойиҳаси қабул қилинди.

Палата ялпи мажлисида кўриб чиқилган навбатдаги ҳужжат — "Давлат божи тўғрисида"ги Ўзбекистон Республикаси Қонунига қўчма радиотелефон (уяли) алоқа тармоқлари фаолияти билан шуғулланганлик учун давлат божи ставкалари миқдорларини мақбуллаштиришга қаратилган ўзгариш ва қўшимчалар киритиш ҳақида"ги қонун лойиҳаси бўлди.

Мазкур қонун лойиҳаси билан ўзининг мустақил алоқа тармоғига эга бўлмаган ва алоқа тармоқлари мавжуд уяли алоқа операторларининг тармоқлари орқали радиотелефон (уяли) алоқа хизматларини кўрсатувчи уяли алоқа виртуал операторлари (провайдерлар) учун лицензия беришга алоҳида давлат божи ставкалари миқдори белгиланмоқда. Энг муҳими, бож миқдори қарийб беш ярим бараварга камайтирилмоқда.

Ушбу қонун лойиҳасининг қабул қилиниши уяли алоқа виртуал оператори сифатида алоқа хизматларини кўрсатувчи тадбиркорлик субьектларини қўллаб-қувватлаш ҳамда истеъмолчиларга замонавий уяли алоқа хизматларини тақдим этиш имкониятларини кенгайтириш, ушбу йўналишда инвестиция муҳитининг яхшиланишига ва рақобатни кучайтиришга хизмат қилади.

Мажлисда қонун лойиҳаси қизгин муҳокама қилинди, ундаги айрим нормалар бўйича қатор саволлар кўтарилди. Депутатлар қонун лойиҳасининг жуда долзарблиги ва айни чоғда зарурлигини эътиборга олиб, уни концептуал жиҳатдан қўллаб-қувватладилар.

## ЎЗХДП ҲУДУДИЙ КЕНГАШЛАРИДА



## ҲУДУДЛАРДАН ҚУРУЛТОЙГА ДЕЛЕГАТЛАР САЙЛАНМОҚДА!

### НАМАНГАН ВИЛОЯТИДА

Наманган вилоятида ўтказилган пленумда ҳам партиянинг вилоят, туман, шаҳар кенгашлари масъул ходимлари, депутатлар ва фаоллари қатнашди. Мажлисда жорий йилнинг 9 июль куни ўтказиладиган Ўзбекистон Республикаси Президенти сайловида муносиб иштирок этиш, партиянинг XIII Қурултойига делегатлар сайлаш масалалари кўриб чиқилди.

— Ҳар қандай сайлов сиёсий партиялар учун имконият ва катта масъулият, — деди вилоят партия кенгаши раиси Илҳомжон Атабаев. — Сайловда Халқ демократик партияси ўзининг такомиллаштирилган дастурини халқимиз олдига олиб чиқиш, фуқароларнинг хоҳиш-истакларини билиш, фаоллари ва хайрихоҳлари сафини кенгайтириш, энг асосийси, сиёсий платформасини амалга ошириш имкониятига эга бўлади.

Пленумда халқ депутатлари вилоят партия кенгаши депутати Зиёвуддин Мансур ва Янгикўрган туман партия Кенгаши раиси Соҳиба Жумановалар сўзга чиқиб, бу жараёнда айниқса, куйи бўғинлар фаолиятини кучайтириш, сайловчилар ўртасидаги тарғибот ишлари қўламини кенгайтириш юзасидан ўз таклиф ва тавсияларини билдирди.

Мажлисда Ўзбекистон Халқ демократик партиясининг бўлғуси Қурултойига вилоятдан 7 нафар делегат сайланди.

### САМАРҚАНД ВИЛОЯТИДА

Самарқанд вилоят партия кенгашида ўтказилган мажлисда иккита асосий масала кўриб чиқилди. Шу асосида пленум кун тартиби ва регламенти тасдиқланиб олинди. "Ўзбекистон Халқ демократик партияси Самарқанд вилоят ташкилоти ва партия гуруҳларининг сайловдаги муносиб иштироки тўғрисида"ги масала бўйича Бадриддин Насриев сўз юритди. Мамлакатимиз ҳаётидаги муҳим сиёсий жараёнга тайёргарлик кўриш, партия мақсад ва ғояларини тарғиб қилишда барчани фаолликка чақирди.

Қун тартибдаги иккинчи масала бўйича ҳам фаоллар фикри тингланди. Кўрсатилган номзодларнинг тажрибаси ва меҳнат фаолиятидан келиб чиқиб, тўғри кўрсатилгани таъкидланди. Мазкур ҳудуддан ҳам 7 нафар делегат аъзолари бир овоздан маъқулланди.

Пленум қарорига мувофиқ, Самарқанд вилоятида Ўзбекистон Республикаси Сайлов Кодексининг 64-моддасига асосан партиядан кўрсатилган бўлажак номзодни қўллаб-қувватловчи сайловчиларнинг имзоларини йиғиш (тўплаш) ишларини уюшқоқлик билан амалга ошириш вазифа юклатилди. Бунинг учун вилоят, туман ва шаҳар кенгаши раҳбар ҳамда ходимлари, бошланғич ташкилотлар етакчилари, партия фаоллари кенг жалб қилиниши белгиланди.

### ХОРАЗМ ВИЛОЯТИДА

Хоразм вилоят партия кенгаши пленуми ҳам белгиланган масалалар доирасида муҳокамалар билан кечди. Президент сайловининг аҳамияти, Конституциявий ўзгаришлар моҳияти хусусида аҳолининг хабардорлигини янада ошириш зарурлиги таъкидланди.

Ушбу вилоятдан 7 нафар кўп йиллик тажрибага эга кишилар номзоди партиянинг Қурултойига делегат сифатида кўрсатилди. Уларнинг барчаси ушбу вазифага муносиб, деб топилди ва сайланди.

Мажлисда қарор қабул қилинди. Унга кўра, Президент сайловида иштирок этиш учун имзо варақаларининг тўғри тўлдирилиши ва ўз вақтида топширилиши юзасидан шахсий масъулият Хоразм вилоят партия кенгаши раиси ҳамда туман (шаҳар) партия кенгаши раислари зиммасига юклатилди.

Шу билан бирга, партиянинг куйи бўғинлари фаолиятини кучайтириш, аъзолар сафини кенгайтириш, аҳолининг муаммоларини ва уларни ташвишга солаётган масалаларни куйи тизимга таъсир ўрганиб боришга қаратилган ишларимизни тизимли равишда давом эттириш бўйича қарор қабул қилинди. Барча иштирокчиларга вазифалар тақсимланиб, мажбуриятлар юклатилди.

### АНДИЖОН ВИЛОЯТИДА

Андижон вилоят партия кенгаши раиси вазифасини бажарувчиси Баҳром Қурбонов бошчилигида ўтказилган пленумда ҳам Қурултойга делегатлар кўрсатилди. Ўзбекистон Халқ демократик партияси Марказий Кенгашининг 2023 йил 12 майдаги навбатдан ташқари пленуми "Қурултойга делегатлар сайлаш масаласида партия минтақавий кенгашлари пленумларини ўтказиш тўғрисида"ги қарори ижросини таъминлаш мақсадида 7 нафар аъзо тасдиқланиб, пленум қарори қабул қилинди.

Пленумда, шунингдек, халқ депутатлари маҳаллий Кенгашларидаги партия гуруҳи ҳамда туман (шаҳар) партия кенгашлари билан биргаликда ҳуқуқшунослар, олимлар ва кенг жамоатчиликни, шу жумладан, маҳалла гузарлари, аҳоли гавжум жойларида янги таҳрирдаги Конституциянинг мазмун-моҳияти ва аҳамиятини тушунириш ишлари амалга оширилиши билан боғлиқ вазифалар ҳам белгиланди.

Бу каби мажлислар республикамизнинг барча вилоятларида ўтказилиб, партия Қурултойи учун делегатлар сайланмоқда.

◀ Давоми, бошланishi 1-бетда.

Ўз мухбиримиз.

# ЁШЛАР МАСЪУЛИЯТНИ БЎЙНИГА ОЛИШДИ

Ўзбекистон – ёшлар юрти. Аҳолисининг ярмидан кўпини 30 ёшгача бўлган ёшлар ташкил қилади. Демак, ёшларга оид давлат сиёсати ҳам шунга яраша, ички сиёсат релефлари ҳам буни тасдиқлаб туриши керак. Том маънода Ўзбекистон шундай давлат. Масалан, биргина Ёшлар парламентини олайлик. Бу институт келажақда ёшларни фаол сиёсий ҳаётга тайёрловчи мактаб, зинапоё вазифасини ҳам бажариб беради.

Шундай қилиб, 11 май куни Олий Мажлис Қонунчилик палатаси ҳузуридаги Ёшлар парламентининг янги таркибдаги биринчи таъсис йиғилиши бўлиб ўтди.

Унда Қонунчилик палатасининг ёшлар масалалари бўйича комиссияси аъзолари, уч босқичли сайловнинг якуний натижаларига кўра сиёсий партиялар томонидан ғолиб деб топилган 150 нафар ёшлар ҳамда ОАВ вакиллари иштирок этди.

Биринчи таъсис йиғилишида янги чақирикдаги Ёшлар парламенти ўз фаолиятини Олий Мажлис Қонунчилик палатаси ҳаётида бўлаётган ўзгаришларга ҳамоҳанг тарзда янада такомиллаштириб бориши, интилувчан, фидойи, ватанпарвар ёшларимизнинг сиёсий фаолигини таъминлашга хизмат қиладиган платформага айланиши лозимлиги таъкидланди.

Янги таркиб олдида ёш авлод манфаатларини ҳимоя қилиш, уларнинг муаммоларини парламентда муҳокама қилиш, ёшларнинг қонун ижодкорлигида иштирокини таъминлаш, бўлажак депутатлар, Сенат аъзолари, сиёсатшуносларни тайёрлаш ва ёшларни ўз мақсадлари ва лойиҳаларини амалга ошириш каби юксак вазифалар тургани уқтирилди.

Бу йилги "Инсонга эътибор ва сифатли таълим йили" Давлат дастурида таълим сифати ва самардорлигини ошириш, ёшларимизнинг баркамол шахс

бўлиб вояга етишларини таъминлашга қаратилган кўпжаб устувор вазифалар ва мақсадлар белгилангани, уларнинг ҳаётга изчил татбиқ этилишида Ёшлар парламентининг ўз ўрни бўлиши лозимлиги қайд этилди.

Йиғилиш сўнггида Ёшлар парламенти аъзоларига сиёсий ва ҳуқуқий соҳада эгаллаган билим ҳамда кўникмалари, ҳаётий позицияларини аниқ белгилаб, парламентимизнинг келажақдаги чинакам ворисига айланишига ишонч билдирилди.

Шу куни Ўзбекистон Халқ демократик партияси Марказий Кенгашида ҳам Ўзбекистон ХДПдан Ёшлар парламентига сайланган аъзолар билан мулоқот йиғилиши ўтказилди.

Унда партия фаоллари ва Марказий Кенгаш раҳбариятининг сайланган ёшлар билан танишуви ва Ўзбекистон Халқ демократик партиясининг Ўзбекистон Республикаси Олий Мажлиси Қонунчилик палатаси ҳузуридаги Ёшлар парламенти аъзолари сайловидаги иштироки таҳлили бўлиб ўтди.

Маълумот учун, Ёшлар парламентидаги сайлов уч босқичда ташкил этилди. Учинчи босқичда Марказий Кенгаш ташкилий кўмитаси аъзолари 78 нафар номзодларнинг ҳар бири билан суҳбатлашиб, уларнинг сайловдаги дастури тақдимоти билан танишди. Номзоднинг нотиклик маданияти, лойиҳа мазмунини тингловчиларга етказиши ҳамда ҳозиржавоблиги савол-жавоб шаклида синовдан ўтказилди. Марказий Кенгаш Ташкилий кўмитаси томонидан Ўзбекистон Республикаси Олий Мажлиси Қонунчилик палатасига бўлиб ўтган сайловда Ўзбекистон Халқ демократик партияси эгаллаган ўрнига мос равишда муносиб номзодлар яширин овоз бериш йўли орқали (маъмурий-худудий бирлик асосида) 22 нафар ёшлар сайланди. Мазкур йиғилишда Ўзбе-



кистон ХДП Ёшлар парламенти фаолиятини ташкил этишда бир қанча вазифаларни амалга ошириш белгилаб олинди.

Энг аввало, партия билан ҳамкорлик масалаларига эътибор қаратилди.

Биринчидан, ҳар бир Ёшлар парламенти аъзоси сайланган ҳудуддаги ЎзХДПнинг вилоят, туман - шаҳар партия ташкилотлари билан алоқаларни йўлга қўйиши, ҳамкорликдаги фаолиятларини келишиб олишлари; иккинчидан, партия томонидан ташкил этиладиган тарғибот тадбирларида фаол иштирок этиш, ҳудудлардаги "Ёшлар қаноти" аъзолари билан ҳамкорликда партия сафига ёшларни кенг жалб этиш, ёшларнинг сиёсий-ҳуқуқий саводхонлигини оширишга қаратилган конференция, давра суҳбатлари ва лойиҳаларни ўтказиш;

учинчидан, сайланган ҳудуддаги ёшларга тегишли муаммоларини ўрганиб, сабабларини аниқлаб, тегишли таклифлар ишлаб чиқиш, Ўзбекистон ХДПнинг партия гуруҳларида ва доимий комиссия йиғилишларида фаол, таклиф ва ташаббуслар билан иштирок этиш; тўртинчидан, партия дасту-

Аҳмад ҚУРБОНОВ,  
«Ўзбекистон овози»  
мухбири.





## ХАЛҚ БАНКИ

## 148 ЁШДА

РЕСПУБЛИКА ХАЛҚ БАНКИ МАМЛАКАТИМИЗ ХУДУДИДА ЎЗИНИНГ ФАОЛИЯТИНИ БОШЛАГАНИГА 148 ЙИЛ БЎЛГАНЛИГИ МУНОСАБАТИ БИЛАН УШБУ ҚУТЛУҒ ЁШНИ КЕНГ НИШОНЛАДИ. АСЛИДА БАНК 1875 ЙИЛИ ТОШКЕНТ ШАҲРИДА БИРЛАМЧИ ЖАМҒАРМА КАССА СИФАТИДА ЎЗ ФАОЛИЯТИНИ БОШЛАГАН. БУГУНГИ КУНГА КЕЛИБ ЭСА БАНК ЎЗИНИНГ 196 ФИЛИАЛИ, 106 ТА БАНК ХИЗМАТЛАРИ МАРКАЗИ ВА 2 МИНГ 260 ГА ЯҚИН КАССАЛАР ТАРМОҒИГА ЭГА ЭНГ КЕНГ ТАРМОҚЛИ МОЛИЯ МУАССАСАСИ ҲИСОБЛАНАДИ.

Шунингдек, банк ҳозирда 6 миллиондан ортиқ жисмоний шахсга, 200 мингдан зиёд юридик шахсларга хизмат кўрсатмоқда. Эътиборли жиҳати, банк мижозлари бўйича Ўзбекистонда биринчи ўринда туриши билан бирга, айни пайтда, банкоматлар сони 3 минг 111 та етган ва ҳозирда олис ҳудудларда ҳам Халқ банки банкоматлари ўрнатилган.

Бундан ташқари, янгилик сифатида яна шуни айтиш мумкинки, Халқ банки Humo ва UzCard банкоматларини интеграциялашни амалга оширган. Яъни эндиликда аҳолимиз пластик картасидаги пулини интеграциялашган Humo ва UzCard банкоматларидан бемалол нақдлаштириб олиши мумкин. Банк томонидан амалга оширилган янгилик бугунги кунда тест режимда ишлаяпти. Аслида бу узоқ кутилган ва жуда чўзилган жараён ҳисобланади. Ниҳоят, банклар бу борада олдинга силжий бошлади.

Маълумот учун, Халқ банки банкоматлари сони республикамиздаги жами банкоматларнинг 35 фоизини ташкил этишини инобатга олсак, бу Ўзбекистондаги

ўртача ҳар учта банкоматнинг биттаси энди бир вақтнинг ўзида Humo ва UzCard картасига хизмат кўрсата олишини аналитади.

– Банкимиз томонидан ишлаб чиқилган лойиҳалар бугунги кунда асосан аҳоли бандлигини таъминлаш учун хизмат қилмоқда, – дейди Халқ банки Бошқаруви раиси ўринбосари Тоҳиржон Раҳмонов. – Банк ходимлари кредитлар тўғрисида аҳолига тушунтириш ишларини секторлар ва маҳаллабй кесимида олиб бормоқда. Банк томонидан нафақа пуллар, моддий ёрдам ва бола пуллари ўз вақтида аҳолига етказилмоқда. Айниқса, ногиронлиги бўлган шахсларга манзилли етказиш йўлга қўйилган. Бундан ташқари, хотин-қизларнинг ҳуқуқ ва манфаатларини ҳимоя қилиш, саломатлигини мустаҳкамлаш ва энг муҳими, улар учун муносиб турмуш шароитини яратиш ижтимоий соҳанинг муҳим йўналишларидандир. Шу боис, мазкур йўналишни ривожлантиришга алоҳида аҳамият қаратилмоқда. Бинобарин, аёллар тадбиркорлигини қўллаб-қувватлаш бўйича олиб борилаётган изчил саъй-ҳаракатлар

опа-сингилларимизнинг ижтимоий фаолигини ошириш, турмуш фаровонлигини юксалтиришга имкон яратмоқда.

Бугунги кунда мамлакатимиз аҳолисининг 17 миллиондан зиёдини хотин-қизлар ташкил қиляпти. Уларнинг бизнес лойиҳаларини қўллаб-қувватлаш ҳамда муаммоларини бартараф этиш учун Халқ банки томонидан жойларда хотин-қизларни тадбиркорликка ўқитиш, бизнесга оид намунавий режаларини ишлаб чиқиш ва уларга кредит олишда амалий ёрдам кўрсатишнинг янги тизими жорий этилди.

Бир сўз билан айтганда, банкимиз жуда қўллаб-қувватлаш дастурларида иштирок этиб келмоқда. Банкнинг асосий фаолият йўналиши аёллар тадбиркорлигини ривожлантиришга қаратилган. Бугунги кунда хотин-қизларни тадбиркорликка жалб қилиш ва бандлигини таъминлаш мақсадида тижорат амалий ҳамда Халқ банки зиммасига хотин-қизларнинг лойиҳаларини молиялаштириш вазифалари юклатилган.

Тоштемир МУРОД



## «СМАРТ МАҲАЛЛА»

дастури – амалда



**Ички ишлар вазирлиги томонидан Самарқанд вилоятида «Смарт маҳалла» дастури тақдими олдидан ходимлар билан учрашув ўтказилди.**

– Президентимизнинг 2021 йил 26 мартдаги «Жамоат ҳавфсизлигини таъминлаш ва жиноятчиликка қарши курашиш соҳасида ички ишлар органлари фаолиятини сифат жиҳатидан янги босқичга кўтариш чора-тадбирлари тўғрисидаги» фармонида 2021 йил 1 июнь кунига қадар «Смарт маҳалла» дастури Тошкент ва Самарқанд вилоятларида, жорий йилнинг якунигача эса республиканинг бошқа ҳудудларида ишга туширилиши белгиланган, – дейди Ички ишлар вазирининг ўринбосари полковник Нажмиддин Тўраходжайев. – Шу боисдан, ушбу фармонга асосан «Смарт маҳалла» ахборот дастури ишлаб чиқилди ва ҳозирги кунда республиканинг барча ҳудудларида фойдаланиш имконияти яратилди.

Ахборот дастурига кўра, тизимнинг бизнес жараёнлари, алгоритмлари, мобил илова ва веб-платформа шаклидаги дастурлар ишлаб чиқилиб, ҳудудларнинг сектор штаблари, маҳалла идоралари, ҳуқуқ-тартибот масканлари ва аҳоли демографияси ҳақидаги маълумотлар базалари шакллантирилди. Маълумотлар актуаллигини таъминлаш мақсадида «Смарт маҳалла» ахборот дастури ИИБ соҳавий хизматлари, Маҳалла ва оила қўллаб-қувватлаш вазирлиги ҳамда Давлат кадастрлари палатасининг ахборот тизимлари билан интеграция қилинди.

Тизим ишлаш тамойили очиқлик сиёсатини юритишга, давлат органларига мурожаат қилишдаги жараёнларни максимал тарзда автоматлаштиришга, шунингдек, профилактика инспекторлари фаолиятига аҳоли томонидан берилган баҳоларни таҳлил қилиб боришга қаратилган.

Ахборот тизимлари ва ресурсларнинг мақсади аҳоли томонидан секторларга массофанан туриб мурожаат юбориш ва уни кўриб чиқиш жараёнларини кузатиб бориш, маҳалла раислари, сектор раҳбарлари ва профилактика инспекторлари билан ўзаро тезкор мулоқотни йўлга қўйиш, сектор раҳбарлари ва профилактика инспекторлари фаолиятига баҳо бериш вазифаларини бажаришга мўлжалланган.

Фуқароларга қўшимча қўлайликлар яратиш, айниқса, оилавий эъравонлик ва таъйиқдан жабр кўрганларга шошилинч ёрдам кўрсатиш учун туну кун фаолият юритадиган «1259» ягона қисқа рақами ҳуқуқбузарликлар профилактикаси хизмати негизда очилган «Ишонч маркази» да ишга туширилди.

Шунингдек, ушбу марказда профилактика инспекторлари учун туну кун режимда «1286» қисқа рақами фаолияти ҳам йўлга қўйилган бўлиб, профилактика инспекторлари ўзларини қизиқтирган масала ва хизмат давомидаги муаммолар бўйича мурожаат этишлари мумкин.

**ИИБ Ахборот технологиялари, алоқа ва ахборотни ҳимоялаш бошқармаси.**

## ЎЗСАНОАТҚУРИЛИШБАНК:

## «БЮДЖЕТЛАШТИРИШ»

Тизими нима беради?



ПОЙТАХТИМИЗДАГИ «INTERCONTINENTAL TASHKENT» ХАЛҚАРО БИЗНЕС МАРКАЗИДА «ЎЗСАНОАТҚУРИЛИШБАНК» АТБ ТОМОНИДАН SAP ТЕХНОЛОГИЯЛАРИ АСОСИДА ИШЛАБ ЧИҚИЛГАН ЙИРИК ЛОЙИҲА – «БЮДЖЕТЛАШТИРИШ» ТИЗИМИНИНГ ТАҚДИМОТ МАРОСИМИ БЎЛИБ ЎТДИ. УНДА МАРКАЗИЙ БАНК, ХАЛҚАРО МОЛИЯ КОРПОРАЦИЯСИ, ХАЛҚАРО АУДИТОРЛИК ТАШКИЛОТЛАРИ ВА ТИЖОРАТ БАНКЛАРИНИНГ МАСЪУЛ РАҲБАРЛАРИ ИШТИРОК ЭТДИ.

моқлар молиявий ҳолатини тўғри баҳолаш орқали улар фаолиятини оптималлаштириш, харажатлар ҳажмини қатъий назоратга олиш ва оптималлаштириш, банк бизнесига ресурсларни тўғри

тақсимлаш имконини бериши таъкидланди.

– Лойиҳани амалга ошириш жараёнида ҳар бир йўналишга алоҳида ёндашилди, – дейди «Ўзсаноатқурилишбанк» АТБ Бухгалтерия ҳисоби ва молиявий менежмент департаменти директори Ойбек Воҳидов. – Хусусан, банк бизнес йўналиши ва маҳсулотлари учун ягона бюджет моделларини амалга оширишда «SAP Business Planning and Consolidation» дастуридан, банк маҳсулотлари бўйича харажатларни тақсимлаш, трансфер нархларни белгилаш моделларини жорий этиш учун «SAP Profitability and Performance Management» дастуридан, молиявий кўрсаткичларнинг визуализациясини ишлаб чиқиш мақсадида эса, «SAP BO Web Intelligence» дастуридан фойдаланилди.

Тадбир сўнггида меҳмонлар эътиборига банк бизнесини самарали бошқаришда истиқболдаги режалар ҳам намойиш этилди. ОАВ вакиллари ва мутахассисларнинг лойиҳага тегишли саволларига мутахассислар жавоб берди.

## ИСЛОМ КОРПОРАЦИЯСИ БИЛАН КЕЛИШУВ ИМЗОЛАНДИ

Ўзбекистон Республикаси ишчи гуруҳи делегациясининг Саудия Арабистони Жидда шаҳрига ташрифи доирасида Ўзсаноатқурилишбанк ва Савдони молиялаштириш халқаро Ислон корпорацияси ўртасида 15 миллион доллар миқдоридagi келишув тузилди. Саудия Арабистонига Ислон тараққиёт банкнинг йиллик анжуманида қатнашиш мақсадида ташриф буюрган Ўзбекистон Республикаси ишчи гуруҳи аъзолари таркибида Ўзсаноатқурилишбанк вакиллари ҳам ўрин олди.

Анжуман доирасида банк ҳамда савдони молиялаштириш халқаро Ислон корпорацияси раҳбарлари ўртасида ўзаро манфаатли савдо-иқтисодий ҳамкорликни кенгайтиришга қаратилган музокаралар олиб борилиб, натижада келишув битими ҳужжат имзоланди. Келишувга биноан ушбу хорижий молия муассасасидан жалб қилинувчи қайта тикланадиган молиялаштириш линияси (револьвер) кичик ва ўрта бизнеси молиявий қўллаб-қувватлашга йўналтирилади.

Бундан ташқари, томонлар банк мутахассисларининг янги ноанъанавий банк маҳсулот ва хизматлари ҳақидаги билим ва кўникмаларини ошириш мақсадида молиялаштиришнинг исломий усуллари (жумладан, «мурабаха» – истеъмол кредити) бўйича ўқув-амалий дастурларни ташкил этишга келишиб олди.

Учрашувда томонлар янги ҳамкорлик келишуви икки давлат бизнес доиралари учун янада манфаатли бўлишини таъкидлашди.

**Тоштемир ХУДОЙҚУЛОВ,**  
**«Ўзбекистон ovozi» муҳбири.**

– Президентимизнинг 2020 йил 12 майдаги «2020-2025 йилларга мўлжалланган Ўзбекистон Республикасининг банк тизимини ислоҳ қилиш стратегияси тўғрисида»ги фармонида соҳани замонавий ахборот технологиялари асосида рақамлаштиришга қаратилган қатор вазифалар белгилаб берилган эди, – дейди «Ўзсаноатқурилишбанк» АТБ Бошқарув раисининг ўринбосари Шохпур Гултураев. – Банкимиз фаолиятини халқаро экспертлар кўмагида трансформация қилиш жараёнида ушбу топшириқлар ижросига алоҳида эътибор қаратилди. Янги молиявий моделлар ва улар асосида банк бизнесини самарали бошқаришга қаратилган лойиҳалар ишга туширилди. Хусусан, Германиянинг илғор SAP дастури негизда яратилган «Бюджетлаштириш» тизими шулар сирасига қиради.

Ушбу тизим бизнес бўлинмалар ва банк маҳсулотлари бюджетини тузиш ҳамда мониторинг қилиш, банк ресурслари бўйича

трансферт баҳони шакллантириш, харажатларни банк маҳсулотлари бўйича тақсимлаш каби йўналишларни ўз ичига олади. Шу билан бирга, «Бюджетлаштириш», кодлаштириш орқали амалга оширилган тизим мижозга йўналтирилган шаффоф банк маҳсулот ва хизматларини яратишни қўллаб-қувватлайди, улар таннархини пасайтириш зарурати ни аниқлайди, кам рентабелли маҳсулотларни ривожлантириш йўналишларини белгилайди. Мисол учун, банкнинг қайси ҳудуддаги филиали мижозларининг микрокредит ёки автокредитга талаби юқорилигини энди аниқлаш имкони бор. Аввал бундай маълумот мавжуд эмас эди.

Шунингдек, тадбирда бу тизим банк молиявий кўрсаткичлари ўзгаришининг ички ва ташқи омилларини таҳлил қилиш, даромадлигини оширишнинг барқарор манбаларини аниқлаш, ҳар бир банк маҳсулотига ва сотув нуқталари бўйича муассаса фойдасини режалаштириш, тар-

## ПОЙТАХТИМИЗДА АҲОЛИ СОНИ

Бугунги кунда юртимизда аҳолининг сони ва унинг ўсиш суръатлари узлуксиз равишда ортмоқда.

Тошкент шаҳар статистика бошқармасининг маълумотига кўра, пойтахтимизда доимий аҳоли сони 2023 йил 1 апрель ҳолатига кўра, **2 миллион 978 минг 200** кишини ташкил этмоқда. Шундан: – эркаклар сони **1 миллион 460 минг 800** кишини,

– аёллар сони **1 миллион 517 минг 400** кишини ташкил этди.

Шаҳар ҳудудлари кесимида таҳлиллар шуни кўрсатадики, 2023 йил 1 апрель ҳолатига кўра, энг кўп аҳоли сони Олмазор туманида бўлиб, 397,1 минг кишини ташкил этади. Шунингдек, Юнусobod туманидаги аҳоли 369,5 минг киши.

Энг кам аҳоли сони Яққасарой туманида – 128,6 киши ва Бектемир туманида – 56,8 минг кишини ташкил этган.



TANLOV

+17 Корақалпоғистон  
+22 Республикаси  
Хоразм+17 Бухоро  
+22 Навоий+17 Тошкент  
+22 Самарқанд  
Жиззах  
Сирдарё+20 Қашқадарё  
+25 Сурхондарё+17 Андижон  
+22 Наманган  
Фарғона+20 Тошкент  
+22 шаҳри

t.me/uzbekiston\_ovozi\_gazetasi

facebook.com/uzbekistonovozi

instagram.com/uzbekiston\_ovozi

info@uzbovozi.uz

www.uzbovozi.uz

# "ОЛТИН ҚАЛАМ"

СОҲИБЛАРИ ТАҚДИРЛАНДИ



**ЎЗБЕКИСТОН  
ЖУРНАЛИСТЛАР  
УЮШМАСИ ТОМОНИДАН  
ТАШКИЛ ЭТИЛГАН  
"ОЛТИН ҚАЛАМ"  
ТАНЛОВИНИНГ ҒОЛИБ  
ВА СОВРИНДОРЛАРИНИ  
ТАҚДИРЛАШ МАРОСИМИ  
БУ ГАЛ "ЎЗБЕКИСТОН"  
ХАЛҚАРО АНЖУМАНЛАР  
САРОЙИДА ЎТКАЗИЛДИ.**

Журналистлар уюшмаси маълумотида кўра, бу йил "Олтин қалам" XVII Миллий мукофоти учун халқаро танловда ҳар йилгидан кўп – 500 дан зиёд ОАВ вакиллари 4 мингга яқин ижодий ишлари билан иштирок этди. Жумладан, телевидение йўналиши бўйича мамлакатимиздаги давлат ва нодавлат телеканалларда фаолият олиб бораётган 125 нафар журналист қатнашди. Ҳакамлар ҳайъати томонидан уларнинг 900 га яқин ижодий иши кўриб чиқилди. Танловнинг ушбу йўналиши бўйича материаллари тақдим этилган ижодкорлар орасида халқимиз меҳрини қозонган, кенг жамоатчилик эътирофига сазовор бўлган, шунингдек, турли танловларда ғолиб бўлган журналистлар бор.

Радио йўналиши бўйича ҳакамлар ҳайъати томонидан 43 нафар журналистнинг 300 дан зиёд ижодий ишлари кўриб

катнашганлигини эътироф этиш лозим.

Чет эллик журналистларда Ўзбекистонда амалга оширилаётган ислохотлар, маданият, туризм ва бошқа соҳаларни ёритишга интилиш кучли бўлгани учун уларнинг мамлакатимиз ҳақидаги ижодий ишлари сони йилдан-йилга ортмоқда. "Олтин қалам" XVII Миллий мукофоти учун халқаро танловда 25 давлатдан 50 дан зиёд журналист қатнашгани фикримиз далилидир.

"Олтин қалам" танловининг рағбатлантирувчи номинациялари бўйича жорий йилдан бошлаб 12 нафар журналист мукофотланадиган бўлди.

"Олтин қалам" соҳибларини тақдирлашга бағишланган тантанали тадбирда телевидение, радио, босма оммавий ахборот восита-



чиқилди. Мазкур йўналиш бўйича танловда иштирок этганларнинг кўпчилиги аёл журналистлар.

"Олтин қалам" танловига босма оммавий ахборот воситалари йўналиши бўйича иштирок этган 173 нафар журналистнинг 1 минг 200 дан ортиқ ижодий иши ҳакамлар ҳайъати томонидан кўрилди. Тақдим этилган ижодий ишларда бугунги долзарб мавзуларга алоҳида эътибор қаратилганлигини алоҳида таъкидлаш керак.

"Олтин қалам" танловига интернет-журналистика йўналиши бўйича бу йил 76 нафар журналист иштирок этди. Ушбу йўналишда нодавлат интернет нашрлари фаол

лари, интернет нашрлар йўналиши, барча номинациялар бўйича ғолиблар аниқланди. Уларга махсус статутка, пул мукофоти, дипломлар тантанали топширилди.

Мирзо Улуғбек номидаги Ўзбекистон Миллий университетининг журналистика факультети Бош миллий мукофотга лойиқ кўрилди. Факультет жамоасига энгил автомобиль, махсус статутка ва диплом тантанали равишда топширилди.

**Равшан ШОДИЕВ,  
"Ўзбекистон ovozi" мухбири.**

МУТОЛАА

## "ХАЁЛ"НИ ЎҚИБ...

Мактабда ўқиб юрган кезларим "Ахборот"нинг спортини қанда қилмасдан кўрардим. Икки-уч киши ва бир аёл шарҳловчилик қиларди. Мен шуларнинг орасида сочи орқага таралган, ҳар бир сўзни чертиб-чертиб айтадиган шарҳловчининг чиқишларини диққат билан кузатардим. Университетни битириб, бир муддат вилоятда ишлаб қайтган отахон газета—"Совет Ўзбекистони" газетасига ишга кирдим. Не кўз билан кўрайки, телевизордаги меннинг диққатимни тортган шарҳловчи Ҳайдар Носиров шу тахририятда ишлар экан. Мен тез-тез у кишининг хонасига кириб йўл-йўриқ, маслаҳат сўрайдиган бўлдим. Қисқа фурсатда у киши билан қадрдон бўлиб, устоз-шогирд бўлдим. Қарийб бир жойда 36 йил ишладик.

Кўни кеча қўлимга "ХАЁЛ" китобини тутқазиди. Муаллифи устозимиз Ҳайдар Носиров экан. Ушбу китобни варақлаб, хаёлимга мактаб даврларим, "Матбуотчилар уйи"да бир сафда туриб, ишлаган даврларимиз келди. Ҳужжатли қисса деса арзигулик бу китобда тилга олинган воқеалар Ҳайдар Носировнинг "жонли тарихи", деб аташ мумкин. Муаллиф ўз хотирасини хаёлан жонлантириб, отахон газета—"Ўзбекистон ovozi"да қарийб эллик йилдан зиёд вақт ораллигидаги ижодий фаолиятини ҳам батафсил



ёритишга ҳаракат қилган.

Китобда меҳр –оқибат, қадр-қиммат ҳақидаги ҳаётий воқеалар кишини ўйлантиради, мушоҳадага ўндайди. Шу жиҳатлари билан ҳам ушбу китобни қайта –қайта ўқигингиз келади. Ширин хотиралар ёдга келади.

Ҳайдар Носировнинг ушбу китоби хилма-хил суратлар билан ҳам бойитилган. Айтиш керакки, "ХАЁЛ"да қаламга олинган ҳаёт ҳақиқатлари бир умр ўзини журналистикага бағишлаган инсоннинг дил қиссаси, дейиш мумкин.

**Равшан ШОДИЕВ.**

## ХИВА ШАҲРИНИНГ БЕТАКРОР МЕЪМОРИЙ ЁДГОРЛИКЛАРИ ЭРОНЛИК ЖУРНАЛИСТ НИГОҲИДА

Эроннинг етакчи оммавий ахборот воситаларидан бири бўлмиш "Iran Daily" газетасининг босма ва электрон нашрларида Хива шаҳарига бағишланган мақола чоп этилди.


"Хива Хоразм вилоятининг ғарбида, Қорақум чўлининг қўйнида, Амударёнинг чап қирғоғида жойлашган. Атрофи улкан деворлар билан ўралган Ичан-қалъа мажмуаси Хиванинг тарихий ички шаҳри бўлиб, Марказий Осиёдаги биринчи Бутун жаҳон ёдгорликлари рўйхатига киритилган объектига айланди", деб ёзади мақола муаллифи Мухаммад Абеш Аҳмадлу.

Таъкидланишича, "Хива қадимда бошқа шарқ шаҳарлари каби уч қисмга бўлинган: "Кўҳна Арк" қалъаси, Дишан қалъа ва Ичан-қалъа. Бугунги кунда Ичан-қалъа очиқ осмон остидаги музей бўлиб, давлат музей-қўриқхонасига айланган. Айнан шу ерда, 26 гектарлик улкан ҳудудда шарқона шаҳарнинг экзотик қиёфаси сақланиб қолинган. Энг ҳайратланарлиси – Ичан-қалъа шунчаки музей эмас, балки шаҳарнинг аҳоли яшайдиган қисмидир. Бу ерда 300 га яқин оила истиқомат қилади ва улар асосан хунармандчилик билан шугулланади".

Хиванинг бой меъморий ёдгорликлари тўғрисида батафсил маълумот берар экан, "Iran Daily" мухбири ушбу кўҳна шаҳарни сўз билан таърифлаб бўлмаслигини, уни ҳар бир сайёҳ ўз кўзи билан кўриши лозимлигини алоҳида урғулайди.

**"Дунё" АА.**

ОНА-ZAMIN SAXOVLARI



## ШЕРОБОДДА ҚОВУН-ТАРВУЗ ПИШДИ

Сурхондарё – иссиқ иқлимли воҳа. Тупроғи унумдор ва табиати фусункор гўша. Худудда йилнинг тўрт фаслида ҳам деҳқончилик қилиш мумкин. Аёзли кишда иссиқхоналарда қулпундай пишган бўлса, баҳор бошланиши билан гилос кўзларни қувнатгани. Ундан кейин ўрик этилди. Картошка, пиёз, баклажон, бўлғор қалампир ва бошқа маҳсулотлар аллақачон бозорларга чиқарилган.

Май ойининг дастлабки кунларида эса Шеробод туманида қовун-тарвуз пишди. Бунга кўпчиликнинг ишонмагани табиий. Чунки, полиз экинлари пишишига ҳали бир ойдан ортиқ вақт бор.

– Янги йил бошланши билан "Ойинли" маҳалласи ҳудудидаги 28 гектар анорзорда "Дақара" ва "Дўлбе" навли қовун-тарвуз уруғини қадагандик, – дейди "Озодбек Мунисабону" хусусий корхонаси раҳбари Отабек Ашурбоев. – Плёнка остида экилган палакка ўз вақтида ишлов берилди. Зарур агротехник тадбирларни бажардик. Хотира ва қадрлаш кўни арафасида қовун-тарвузларимиз пишди. Уларнинг ўртача оғирлиги 1,5-3 кило тош босмоқда. Йирик ва саралари ҳам сероб. Бу эса она-заминимиз даромад манбаи ва саховат макони эканлигидан далолат беради.

– Меҳнатга яраша манфаат бўлиш керак, – савол билан юзланаман зироатчиға. – Хўш, режалар қандай?

– Қовуннинг ҳар гектарида ўртача 8-10, тарвуздан эса 15-18 тонна ҳосил олиш кўзда тутилган. Килоси 14-15 минг сўмдан сотилапти. Келажақда хорижга экспорт қилмоқчимиз.

– Очиқ майдонларда етиштирилган навлардан фарқи борми?

– Бу кўпчиликни қизиқтириши табиий. Шунинг учун дастлаб ўзимиз татиб кўрдик. Уша бетакроор таям ва ўша хушбўй хидни туйдик. Энг асосийси, эртапишар навининг серҳосил, бозорбоп ва харидорлиригидир...

**Абдумалик ҲАЙДАРОВ,  
"Ўзбекистон ovozi" мухбири.**

## ЙЎРИҚНОМА ВА ҚОИДАЛАРГА АМАЛ ҚИЛИНГ

Республикаимизда мунтазам истеъмолчиларни табиий газ ва электр энергиясидан фойдаланишда ёнғин хавфсизлиги қоидаларига риоя қилишини таъминлаш мақсадида соҳа ходимлари ташкилот, корхоналарнинг ишчи-ходимлари ва аҳоли ўртасида кенг қамровли тарғибот-ташвиқот ишларини олиб боришмоқда.

Ёнғин чиқишининг олдини олишда ҳар қандай об-ҳавода барча чораларни қўриш лозим. Хусусан, ёнғин хавфсизлигига риоя этиш уларимизда ва ишхоналаримизда хавфсизлигини таъминлашнинг асосий омиллардан бири. Юз берган ёнғинлар тахлили асосан аҳоли турар жойларида содир бўлаётганини кўрсатади. Бунинг сабаби айрим фуқароларимиз ёнғин хавфсизлигининг қанчалик муҳим эканлигини яхши билишса-да, ҳар доим ҳам бу қоидага амал қилвермайдилар.

Газ плитаси устида кир қуритиш ёки овқатни назоратсиз қолдириш, газдан резина шланг орқали фойдаланиш, газ таъминоти идораси ва ёнғин хавфсизлиги ходимлари билан келишилмаган ҳолда газ ускуналари ўрнини ўзгартириш, қўлбола электр иситиш анжумларини ишлатиш, дазмол ва плиталарни қаровсиз қолдириш каби ҳолатлар кўнгилсизликлар келтириб чиқариши мумкин.

**Ҳамиджон НАСИРОВ,  
Президент Администрациясига қарашли  
биноларда ЁХТТЭ бўлини мас мутахассиси,  
катта сержант.**

"Ўзбекистон ovozi" газетаси тахририяти жамоаси таниқли журналист, меҳнат фахрийси **Иброҳим ЖОНУЗОҚОВ**нинг вафоти муносабати билан марҳумнинг оила аъзолари ва яқинларига ҳамдардик билдиради.

MUASSIS:



O'ZBEKISTON  
XALQ DEMOKRATIK  
PARTIYASI  
MARKAZIY KENGASHI

O'zbekiston ovozi

TAHRIR HAY'ATI:

Ulug'bek INOVATOV Muslihidin MUHIDDINOV  
Ulug'bek VAFOYEV Hayotxon ORTIQBOYEVA  
Maqsuda VORISOVA Shuhrat ISLOMOV  
Qalandar ABDURAHMONOV Toshtemir XUDOYQULOV  
Guliston ANNAQILICHEVA

Bosh muharrir: To'liqin TO'RAXONOV

MANZILIMIZ: 100135, Toshkent, Bunyodkor shoh ko'chasi, 50 «А»-uy.

Телефонлар: (71) 239-12-14

Реклама бўлими: (91) 190-19-49. E-mail: uzbovozi@mail.ru

«Sharq» nashriyot-matbaa aksiyadorlik kompaniyasi

bosmaxonasida chop etildi.

Korxonа manzili: Buyuk Turon ko'chasi, 41-uy.

Gazeta ofset usulida, A-2 formatida bosildi. Hajmi — 4 bosma taboq.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

Navbatchi: **Ravshan SHODIYEV**Sahifalovchi: **Bekzod ABDUNAZAROV**

Г — 536. 7006 nusxada bosildi.

Nashr ko'rsatkichi — 220.

t — Tijorat materiallari

O'za yakuni — 22:10

Topshirilgan vaqti — 00:35

1 2 3 4 5 6

Sotuvda kelishilgan narxda

Gazeta haftaning chorshanba kuni chiqadi. «O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.